

FOMENTA PIETATIS

6412. In Divum

FRANCISCVM
XAVERIVM.

Indiarum Apostolum

SOCIETATIS IESV.

In Gratiam Eorum

*Qui eius ambiunt clientelam, Mediola-
ni prius Italicè; denuo Græcij Latine,
recens verò recusa.*



CALISSIJ

Typis Collegij Societatis IESV.

Anno Domini 1669.

1



COMPENDIUM VITÆ
S. FRANCISCI
XAVERII

4066
SOC: IESV.

FRANCISCVS XAVERIVS, in Xaveria
Diœcesis Pampelonensis, nobilibus paren-
tibus, totius Orbis Christiani bono editus, S.
IGNATIO. sese comitem & discipulum iun-
xit: Mortuus semel mundo, vt viueret semper
Christo. carnem biduanis triduanisq; ieiunijs,
æruentis flagellationibus. acuta ferreis clavi-
zonâ, hæsto non semel è morbidorum vlcere
pure, ita Spiritui subegit; ut quamvis non es-
set Spiritus, Spiritu, tota ageretur. Virginitate
integerrimâ, laboribus indefessa; Nubes vola-
tilis potius quàm caro, & umbra Spiritûs, con-
tinuo amore DEI, & proximi, bullientis non
onus. Missus cum Apostolici Nuncij Potesta-
te in Indias, Apostolica munera incredibili pe-
nè labore exantlauit, Sanctitate pariter ac mi-
raculis vere Apostolicus, adeoque Apostolus

India-

Jndiarum, oraculo Gregorij 13. in Bulla Ca-
nonizationis Anno 1622. omni merito appel-
latus. Difficillimis barbararum gentium lin-
guis, subito ac diuinitus imbutus: vno insuper
Idiomate loquens, à diuersissimis nationibus
intelligebatur. Currebat per Prouincias Nu-
dipes, confixis, atq; contusis non raro pedibus.
baiulus ipse Sacerdotalium indumentorum, &
librorum diuinorū, quo penè modo plusquam
centum millia Milliarium in causa Evangelij
emensus. Seruus sua sponte ductori viarum
barbaro addictus, eā alacritate animi, præ-
cuntem equitem sequebatur pedes; ut inter-
dum manibus ad eqvum appensis, seu rueret
in terram, seu violenter raptaretur, iter perur-
geret. Vaticinia edidit innumera, signo crucis
salsum edulcoravit, exarmavit mare precibus,
pluit oratione Cineres, profligavit invocato
Numine barbarorum exercitus: idem eodem
tempore geminis, & longissimè distitis locis,
periclitantibus adfuit. Cum Insulam Moro
ingressus, primum, à Concione audiretur, con-
cussa terra, rugitusq;, ac voces dæmonum au-
ditæ: Tu nos peruris FRANCISCE; tu re-
gno pellis; In solo Malacensi Episcopatu, o-
stingenti miraculose sunt sanati, viginti quin-
q; mortui suscitati, nec adhuc omnes cogniti.
Fide Japoniæ, Molucis, Amboino, alijsq; Pro-
vincijs vastissimis inuestâ, Cum magnos Prin-
cipes, Regesq; &c. Complures, ac cum ijs vi-
gesies Centena Millia populi, manu propria

Baptizasset, præ gaudiorum cælestium felici
infusorum, multitudine; SATIS EST DO-
MINE, SATIS EST, sæpe exclamare audi-
tur: laboribus & proximorum saluti procu-
randæ, satis nunquam dicere voluit: sed conti-
nuo zelo anhelans, Sinarum imperuia regna
intrare contendit: Vnde ex Insula Sanciano
die 2. Decem: ad laborum præmia evocatus.
De mortui cadauer, viua calce per multos mē-
ses bis obrutum, sed penitus incorruptum,
odore & sanguine manavit. Idem cum per
Mare in Indias reueheretur, scopulus naui im-
minens, certum Naufragium Nautis ostenta-
bat. Sed inuocata XAVERII ope, effectum
admirabiliter, vt non scopulus navim, sed na-
vis scopulum funderet, atq; fissum illæsa transi-
ret. Moluæ quoq; ad adventum mortui, pe-
stis sævissima confestim sedata, tot deniq;
atq; tam varia miracula, à XAVERIO passim,
in illis regionibus edita, vt ex Comuni sensu:
Si XAVERIVS Miracula non faceret, pro mi-
raculo haberetur.

Mortuus Anno Dⁿⁱ 1552. in itæ Societatis 13.
ætatis suæ 55. In Sanciano. Sinarum Insula.
Feria 6. Decembris die 2. A Sanctissimo D.N.
Gregorio 13. an: 1622. Martij 12. in Sancto-
rum Numerum relatus.

Obser-

Observanda ijs, qui proficere volunt in cultu erga
S. FRANCISCVM XAVERIVM.

1. Effigiem Christi Crucifixi peculiari veneratione prosequi; hæc enim patiente aliquid molesti in Indijs Xaverio; stillabat sanguinem qualibet feria 6ta. in domo paterna.

2. Assiduè DEVM pro conversione infidelium deprecari.

3. Frequenter pro animabus in Purgatorio DEVM rogare.

4. Sollicitum pro conservanda illibata puritate vigilare,

5. Pro viribus suis in obsequia, & auxilia proximi incumbere.

6. Crebro confiteri, & conscientiam per examina, non secus ac pro morte discutere.

7. Sæpe Evangelicum illud animo recolere: Quid prodest homini, si vniuersum mundum lucretur, animæ verò suæ detrimentum patiat?

8. Quandoquidem Actionibus supradictis tota S. Xaverij vita redundat; conniti ad eius imitationem, easdem sibi reddere familiares.

9. Agere, ut promoveatur eius cultus, & veneratio, manifestando gratias per eum acceptas, & confitendo nostram versus ipsum obligationem.

OFFICIUM

S. FRANCISCI
XAVERII. S. I.

AD MATUTINUM.

Domine labia mea aperies. Et os meum
annuntiabit laudem tuam.

Deus in adiutorium meum intende. Do-
mine ad adiuvandum me festina.

Gloria Patri, &c. Sicut erat, &c.

H T M N V S.

In flore vitæ Xavier,
Speris honorum fascibus,
Spebusq; stirpis patriæ,
Ad cæli amores vertitur.

Sacri calore spiritus
DEO parata victima,
Ignatianis æstuans
Totus liquefcit ignibus.

O vita IESV cordium!
Fac, vt, caduca deserens,
Te, sorte quam concesseris,
Mea mens requirat vnicum!

Antiph. Egredere de domo tuâ, & de cogna-
tione tuâ, & de terrâ Patris tui, & veni in terram,
quam monstravero tibi. Gen. 12.

Inveni filium Iesse, virum secundum cor meum.
Qui faciet omnes voluntates meas. Act. 13.

ORE-

O R E M V S.

Deus, qui Evangelium Regni tui, per barbaras gentes, & reconditas nationes, S. Francisci tui Xaverij prædicatione seminasti; & eius sanctitatem innumeris hactenus miraculis decorasti: concede quæsumus; vt cuius memoriam agimus, etiam virtutes imitemur. Per Dominum nostrum. &c.

A D L A V D E S.

Deus in adiutorium meum intende, &c.

H Y M N V S.

Exegit omnem laudibus,
Amoribusq; Numinis,
Inter secunda, & aspera
Vitæ diem Xaverius.

Seu manè Sol assurgeret,
Seu conderetur æquore;
In ore DEVS infederat,
In corde IESVS vixerat.

Mea, DEVS, ô felicitas!
Fac, vt (quod olim gestio
Amare te perenniter)
Dum vivo, totus ordiar.

Antiph. Quid mihi est in celo, & à te, quid volui super terram? Deus cordis mei, & pars mea Deus in æternum. Psal. 72.

Laudabit & que ad mortem.

Anima mea Dominum. Ecel. 51.

Oratio vt supra,

A 4

AD PRI-

AD PRIMAM.

Deus in adiutorium, &c.

H T M N V S.

Misertus orbis ultimi
Xaverius caliginem,
Ab Occidentis finibus
Emergit instar Cynthij.

DEVM ferebat pectore
Feris docendum gentibus,
Apostolus deperditæ
Iterum futurus Indiæ.

IESV salus mortalium!
Ita fac amare proximum;
Vt ab hoc amore Curia
Adaugeatur Cœlitum.

Antiph. Ite Angeli veloces ad gentem exspe-
ctantem, & concubitatam; cui diruperunt flu-
mina terram. Isa. 18.

Dedi te in lucem gentium.
Vt sis salus mea usq; ad extremū terræ. Isa. 49.

Oratio vt supra.

AD TERTIAM.

Deus in adiutorium, &c.

H T M N V S.

Miraculorum gloriâ,
Apostolatus infulis,
Et gentium præconijs,
Vbique magnus Xavier.

Suo tamen suffragio,
Postremus vnus omnium,

Cuiusli-

Cuiuslibet solatijs.
Se dedicat Xaverius.

O qui superba conteris
IESV humilium sublimitas!
Tuo ex amore despici,
Fac, vt frequenter expetam!

*Antiph. Ante Dominum, qui elegit me, vilior
fiam, plusquam factus sum: Et ero humilis
in oculis meis, Et gloriosior apparebo. 2.Reg. 6.*

*Omimbus omnia factus sum.
Vt omnes facerem saluos. 1. Cor. 9.*

Oratio vt supra,

AD SEXTAM.

Deus in adiutorium, &c.

H T M N V S.

O Virginem Xaverium!
Et sanguinis caloribus,
Erroribusq; gentium,
Et somnijs superstitem!
Hinc castitas post funera
Vetuit malam putredinem
Intacta semper ipsana
Xaverij contingere.

O Diva IESV puritas!
O Matre nate Virgine!
Da labe sine, me consequi,
Quà ductor Agnus iueris!

*Antiph. O quam pulchra est casta generatio
cum claritate; Immortalis est enim memoria illi-
us; quo-*

us; quoniam apud Deum nota est, & apud homi-
nes. Sap. 4.

Hi sequuntur Agnum quocumque ierit,
Sine macula enim sunt ante thronum Dei. Apoc. 14.

Oratio ut supra.

AD NONAM.

Deus in adiutorium, &c.

H T M N V S.

Vastæ remotas Indiæ
Plagas obit Xaverius.
Loiola sed vel littera
Si iusseris, revertitur.

Nec sol, ut ut promptissimus,
Vel stare, vel recurrere,
Volente iussus Numine,
Talis resorbet orbitam.

Exordientem Nominis
Agnosco I E S V literam,
Opto per hanc cum legibus
Dei placita decurrere!

Antiph. Audi Fili mi, disciplinam patris tui,
& ne dimittas legem Matris tuæ, ut addatur gra-
tia capiti tuo, & torques collo tuo. Pro. 1.

In capite libri scriptum est de me.

Ut facerem voluntatem tuam Deus meus. Psal. 36.

Oratio ut supra.

AD VESPERAS.

Deus in Adiutorium, &c.

H T M N V S.

Cecidère monstra Tartari,
Idola pulsa gentium Fide

Fide instituti Iapones,
Chinæ reclusa littora.

Vicena quin & fanera
Et quinque vitæ reddita:
Pulsis tot orbe pestibus,
Franciscæ, Numen evocat.

IESV laborum præmium
Mercede maior maximâ:
Conando quidquid gesserò,
Te, Te in coronam postulo.

Antiph. Cum ipso sem in tribulatione: eripi-
am eum, & glorificabo eum: longitudine dierum
replebo eum, & ostendam illi salutare meum. Psal. 90.

Nimis honorati sunt amici tui Deus.
Nimis confortatus est principatus eorum. Psal. 138.

Oratio vt supra.

AD COMPLETORIVM.

Deus in adiutorium meum, &c.

H T M N V S.

Franciscæ iam coelestium
Diuis recepte sedibus,
Dignare te colentium
Pijs adesse mentibus.

Omnem per orbem, gloriæ
Tuæ eriguntur symbola:
Per te impetratæ gratiæ
Vbique stant insignia.

Eous, & Septemtrio,
Meridies, & Occidens;
Et iste, & ille plurimis
Tibi calet clientibus.

Opera

Operditorum' temporum,
Francisce, spes amplissima!
Orbis Pater nouissimi,
Patrone, lux, Apostole.
Salue! tūoq; lumine
Tuos serena supplices:
Fac, mundus omnis ardeat
Divini amoris Numine,
Fides vt vna gentium,
Fines inundet omnium;
Vt vna pax cælestium
Cor iungat, & terrestrium.

*Anti. Hic est fratru' amator, & populi Israël,
qui multum orat pro populo, & vniuersa Sancta
Civitate. Mach. 2. c. 15.*

*Ora pro nobis S. Francisce Xaveri.
Vt digni efficiamur promissionibus Christi.*

O R E M V S.

Deus, qui Evangelium Regni tui, per barbaras gentes, & reconditas nationes, S. Francisci Xaverij prædicatione seminasti; & eius sanctitatem innumeris hactenus miraculis decorasti: cōcede quæsumus; vt, cuius memoriam agimus, etiam virtutes imitemur. Per
Dominum nostrū IESVM Christum
Filium tuum, &c.

A. M. D. G. B. V. M. l. C. H.

LITAE

LITANIÆ.

AD SANCTVM FRANCISCVM XAVERIVM.

Ex ijs

Quas Illustrissimus Dominus D. F. Casparus de Villarroel, Episcopus S. Iacobi Chilensis, & Regiæ Hispaniarum Maiestatis à Consilijs, in honorem Sancti, quòd eius patrocinio inter ruinas ex terra motu iam sepultus, saluus tamen evasit, gratitudinis ergò concinnabit ipse, & statim ex voto diebus recitabit, ac etiam deinde in publicum aliorum bonum typis evulgabit.

K yrie eleison. Christe eleison. Kyrie eleison.

C hriste audi nos. Christe exaudi nos.

Pater de cœlis Deus,	Miserere nobis.
Fili Redemptor mundi Deus:	Miserere nobis.
Spiritus Sancte Deus,	Miserere nobis.
Sancta Trinitas vnus Deus,	Miserere nobis.
Sancta M A R I A,	Ora pro nobis.
Sancta Dei Genitrix,	ora.
Sancta Virgo Virginum,	ora.
Sancte Pater J G N A T I,	ora.
Sancte FRANCISCE XAVERI, dignissime,	
& dilectissime Fili S. P. Jgnatij,	ora.
S. Francisce Xaveri Indiarum Apostole,	ora.
S. Francisce Xaveri Evangelizans pacem,	ora.
S. Francisce Xaveri Evangelizans bona,	ora.
Vas electionis portans Nomen Iesu coram-	
gentibus,	ora pro nobis.

B

Vasre-

Vas redundans Divinæ charitatis,	ora.
Firmamentum Orientis Ecclesiæ,	ora.
Propugnator Fidei,	ora.
Impugnator infidelitatis,	ora.
Prædicator Evangelicæ Veritatis,	ora.
Idolorum destructor,	ora.
Electum à Patre æterno instrumentum propa- gandæ Divinæ gloriæ,	ora.
Fidelis imitator, & Socie Iesu Chri: Filij Dei, o,	
Tuba resonans Sancti Spiritûs,	ora.
Columna Templi Dei,	ora.
Lux Paganorum,	ora.
Magister credentium,	ora.
Speculum veræ pietatis,	ora.
Dux in via virtutû, & Christianæ perfectionis.	
Exemplar Apostolici Spiritus, & sanctitatis, o.	
Lumen cæcorum,	ora.
Pes claudorum.	ora.
Auxiliator naufragantium,	ora.
Salus ægrotorum,	ora.
Fugator Dæmonum,	ora.
Vita mortuorum,	ora.
Cuius potestati obediunt mare, & tēpestates, o.	
Cuius imperia venerantur vniuersa elemēta, o.	
Prodigiorum Thaumaturge,	ora.
Refugium miserorum,	ora.
Gaudium afflictorum,	ora.
Orientis splendor,	ora.
Pignus resurrectionis ad vitam gratiæ, & glo- riæ,	ora pro nobis.
<u>Tabernaculum incorruptionis,</u>	ora.

Erarium Divini Amoris,	ora.
Gloria Societatis IESV,	ora.
Legate Apostolicæ Romanæ Sedis,	ora.
Pauperrime Xaveri,	ora.
Castissime Xaveri,	ora.
Obedientissime Xaveri,	ora.
Humillime Xaveri,	ora.
Crucis Christi, ac laborum pro Christo cupidissime Xaveri.	ora.
In salutem proximi vigilantissime Xaveri,	ora.
Suavissime Xaveri.	ora.
Gloriosissime Xaveri,	ora.
Animarum, & Divini honoris Zelator ardentissime,	ora.
Angele moribus, & vitâ,	ora.
Patriarcha affectu, & studio, curandi populum DEI,	ora.
Propheta dono, & Spiritu,	ora.
Apostole dignitate, & merito,	ora.
Doctor gentium, potens in multifario sermone, & opere,	ora.
Confessor virtute, & vitæ professione,	ora.
Virgo animo, & corpore,	ora.
In quo vno omnium Sanctorum merita, ex Divina benignitate veneramur.	ora.
Agnus Dei qui tollis peccata mundi, nobis Domine.	Parce
Agnus Dei qui tollis peccata mundi, di nos Domine.	Exau-
Agnus Dei qui tollis peccata mundi, rere nobis.	Misce-

Christe audi nos, Christe exaudi nos.
Kyrie eleison. Christe eleison. Kyrie eleison.
Pater noster, &c.

Et ne nos inducas in tentationem.
Sed libera nos à malo.

Ora pro nobis S. Franciscæ Xaveri.
Ut digni efficiamur promissionibus Christi.

OREMVS.

DEVS, qui Indiarum gentes, Beati FRANCISCI prædicatione, & miraculis Ecclesiæ tuæ aggregare voluisti: concede propitius; ut, cuius gloriosa merita veneramur, virtutū quoq; imitemur exempla. Per Dominum nostrum JESVM Christum Filium tuum, &c.

*Oratio S. Franc: Xaver: pro persecutoribus,
Tursel: vita l. 5. c. 6.*

Domine JESV Christe, DEVS cordis mei, per acerbissimos mortis tuæ cruciatus, obtestor te, ut intuearis tuas ipse cicatrices & vulnera, quæ Patri tuo assidue pro nobis exhibes, eaque salubria esse velis omnibus persecutoribus nostris, ut resipiscant.

Aspirationes S. Franc: Xaver: morientis.

JESV! JESV! Fili David miserere mei. Tu peccatorū meorum miserere! Mater Dei memento mei! Monstrate esse Matrem. JESV DEVS cordis mei! In te Domine speravi, non confundar in æternum!

AFFE-

A F F E C T V S

Amantis Animæ

S. FRANCISCI XAVERII.

O DEVS! ego amo Te.
Nec amo Te, vt salues me:

Aut, quia non amantes Te
Æterno punis igne.

Tu, Tu, mi IESV, totum me
Amplexus es in Cruce:
Tulisti Clauos, Lanceam,
Multamque Ignominiam,
Innumeros Dolores,
Sudores, & Angores,
Ac mortem; & hæc propter me,
Ac pro me peccatore:

Cur igitur non amem Te,
O IESV amantissime?
Non, vt in cœlo salues me;
Aut ne æternum damnes me:
Nec præmij vllius spe.
Sed, sicut Tu amasti me,
Sic amo, & amabo Te.

Solùm, quia REX meus es:
Et solùm, quia DEVS meus es. A.

*Aspirationes eiusdem Sancti quotidiane.
ex Vita & Epistol: excerpta.*

IESV Christe Fili DEI vivi, da hoc nobis,
vt te super omnia diligamus.

Da nobis Domine sanctissimæ voluntatis

tuz perfectè semper agnoscendæ & adimplen-
dæ gratiam.

Non nobis Domine, non nobis, sed Nomi-
ni tuo da gloriam.

Quis mihi det, vt ego moriar pro te, & co-
gnoscant te omnes fines terræ!

Amplius Domine *cruciari* amplius!

DEVS cordis mei & pars mea DEVS in
æternum.

Satis est Domine, *Te si habeam*, satis est.

Domina opitulare! sanctissima DEI Pa-
rens, coeli Regina, quæ quicquid oras Filium,
semper exoras, esto Aduocata nostra.

Aspirationes eiusdem inter dormiendum.

Relat: pro Canoniz: p. 19.

Mi IESV! dulcis IESV!
O IESV bone! ô Creator mi!

Z E L V S S A L V T I S
A N I M A R V M.

*Ex Orat: S. F. Xaverij, quæ habetur apud
Lucenam l. 5. c. 5.*

Memento clementissime rerum omnium
conditor DEVS animas infidelium, hæ-
reticorum, & peccatorû à te solo creatas, quas
ad imaginem, & similitudinem tuam fecisti,
ecce Domine in opprobriû tuum his ipsis quo-
tidie implentur inferni. Memento pretiosi san-
guinis,

guinis, & amaræ mortis, quam pro iis vltro suscepit IESVS Christus vnigenitus tuus. Recordare lacrymarum, suspiriorum, & vulnerum eius. Ne permittas vltra Domine, eundem dilectum Filium tuum à paganis & peccatoribus denuo crucifigi, & ostentui haberi. sed precibus electorum tuorum placatus, fac vt fideles, hæretici, & peccatores omnes agnoscant, diligant, æternūque glorificent te, & quem misisti IESVM Christum Dominum nostrum, pro quorū omnium salute ego me totum, meaque omnia diuinæ Maiestati tuæ offero, & deuoueo. *Confiteatur tibi populi DEVS, confiteatur tibi populi omnes. Omnis terra adoret te, & psallat tibi!*

*Ordinaria pia opera erga S. Xaverium
Singulari mensibus.*

Oportunum fuerit singulari primis ferijs sextis cuiuslibet mensis, sacræ synaxi accumbere, ac ieiunium eiusdem diei stabile offerre Deo, cum dictâ communionem, pro animabus Purgatorij, quæ peculiariter affici erga Sanctū consueuerunt.

Proderit deinceps, quāuis tertiâ Dominicâ mensis, coronam Beatissimæ Virginis recitare, aut sacro Missæ interesse, supplicando pro conuersione gentium. Insuper Communionem quæ fortè feria sextâ minus commodè accideret, eodem Dominico peragere.

Singulari Hebdomadis.

Feriâ sexta cuiuslibet hebdomadæ, condu-
cet

cet invisere templum S. Apostolo dedicatum, aut altare, recitando eo in loco decies Pater, decies Ave, & decies Gloria Patri, recolendo memoriam annorum decem, quos pro salute proximi in Indijs impendit; factaque intentione orandi pro omnibus, Sancti huius Patroni honorem fideliter, ac sollicitè procurantibus.

Singulis diebus.

Singulis diebus licebit cuius ter deuotè pronunciare sequentia: S. Franciscæ Xaveri ora pro nobis, vt digni efficiamur promissionibus Christi. Commodius fortè accidet ista dicere. Primò, cum electo surrexeris; secundo, vesperè priusquam decumbas; tertio, sub horam vigesimam primam, qua & Christus, & Sanctus tuus Patronus obierit.

Extraordinaria pietatis opera.

Quodsi quis peculiarem aliquam intercessionem ipsius Sancti, pro impetranda sibi à Deo singulari gratiâ desiderauerit; vtetur sequentibus, & iam vsitatis alibi Sanctum invocandi, & honorandi rationibus. Eligat primo decem ferias sextas continuas, quarum quamlibet ieiunio, confessione, & communionè peracta, transigat. Recitet secundò decies Pater, decies Ave, & decies Gloria Patri, in Ecclesiâ, aut ad altare sancto Apostolo consecratum. Offerat Deo merita Sancti sui Patroni exhibita ab eo per id tempus, cum is proximorum saluti deseruiret. Oret pro Ecclesiæ sanctæ publicis ne-

cessita-

cessitatibus. Pro conuersione infidelium, & A catholicorum, eorum maximè, qui obstinati uoluntur in sceleribus; præsertim si quos tales, in uiciniâ domûs, aut regionis fore contingeret. Pro animabus item in purgatorio, & pro singulis, qui sancto huic Apostolo peculiariter se dedicârunt. Quibus omnibus demissè id subiunge, quod postulas, & roga desideratâ gratiâ.

Per decem has hebdomadas consultum erit, sæpiùs historiam vitæ ipsius sancti inspicere; ut ad sequelam heroicarum ipsius uirtutum exciteris; & maiorem fiduciam concipias consecuturæ gratiæ ex ipsius intercessione.

Aduerte, prædictas deuotiones vsui etiam esse posse, cum gratias agere uolueris de beneficio non vulgari per intercessionem S. Xaverij obtento.

Intentio.

Suscipe sancte Pater, omnipotens æternæ Deus, ad laudem & gloriam sacratissimi nominis tui & (hic exprime propriam intentionem, ad quam omnia huius diei opera, offerre vis) omnia, quæ ego indignus famulus tuus hodie sum cogitaturus, dicturus, factururus & passurus. Hæc tibi ego Deo meo uivo, & uero, omnia & singula, siue parua ea sint, siue magna, in unione meritorum vitæ passionis, & mortis unigeniti Filij tui Domini nostri Iesv Christi, nec non sacratissimæ eius genitricis Virginis Mariæ, & beatorû Apostolorû, Martyrû, Confessorum, Virginum, omniûque tam triumphantis, quam militantis Ecclesiæ tuæ, offero: quo-

rum

rum precibus meritisq; concede, vt hoc holo-
caustum in conspectu Diuinæ Maiestatis tuæ,
cum odore suauitatis ascendat, Per eundem
Christum Dominum nostrum, Amen.

Oratio ante studia ad B. Virginem

O sedes sapientiæ Beatissima Virgo MARIA,
o Tabernaculum Spiritus S. / o liber septem si-
gnaculis gratiam Spiritus S. obsignate, scripte
intus & foris Diuini amoris penicillo, in quo
sunt omnes thesauri sapientiæ & scientiæ Dei
reconditi. O Dulcissima sponsa Spiritus S. fac
quæso per Immaculatam Cōceptionem tuam,
vt linguam meam erudias, atq; in labijs meis,
gratiam tuæ benedictionis infundas. Impetra
mihi intelligēdo acumen addiscendi facilitatē,
retinendi capacitatem, interpretandi subtilita-
tem, loquendi gratiam copiosam, Amen.

Actus Contritionis.

Domine IESV Christe, animarum nostrarū
amator ardentissime, qui præ nimia charitate
tua, non vis mortem peccatoris, sed magis vt
cōuertatur & vivat; doleo ex intimo corde me-
o, quòd te Deum meum, atq; benignissimum
redemptorem offenderim, qui me usq; adeo
dilexisti, vt pro me seruo vilissimo, sanguinem
tuum pretiosum fundere, & mortem acerbissi-
mā subire dignatus sis. O bonitas infinita De-
us meus, utinam te nunquam offenderem, quia
infinite bonus es, & super omnia cordis mei de-
siderabilia amabilis. Ignosce bone IESV mise-
ricor-

cordiam petenti. Miserere peccatoris, pro
pro apud Patrem tuum vox sanguinis tui inter-
bellat. Ignosco & ego pro amore tui, omnibus
qui me vnquam offēderunt; firmiterq; statuo,
vniuersa deinceps peccata fugere, & ea, quæ
contra immensam bonitatem tuam commisi,
in amaritudine cordis confiteri; ac te Deus me-
us propter temetipsum super omnia amare.

Recollectio Horaria

O IESV, summum & omne bonum meū!
Cur unquam te offendi? Ah vere pœnitet me
ex intimis medullis, ideoq; vel maxime, quia
tibi soli peccaui. Et quid iam ago? te æstimo,
vnum amo super omnia, propter te ipsum,
qui hoc amore meo, omniq; alio, sine fine di-
gnus es.

Actus Fidei. Spei. & Charitatis ante Com:

Credo mi IESV, Te esse in hoc Sacramento
verum DEVM & hominem in hac, & pro hac
fide, mori sum paratus. Et cum hac fide Te su-
scipio. Spero mi IESV, me aliquādo visurum
Te in gloria Tua. Amen amen Domine mi. In
hoc spe suscipio Te. Amo Te mi IESV super
omnia quia summa bonitas es. In hoc & ex hoc
amore suscipio Te. O Domine non sum qui-
dem dignus sed quia hæc est bonitas & digna-
tio Tua. Veni desidero Te millies, desidero Te
in finities, veni & imple desiderium meum.
Nunc tempus est Domine ornare me meritis,
gratijs & virtutibus Tuis, & omnium electorū
Tuorum dignè Te, quia pauper sum vilis &
abiectus nimis.

Post

Post Communionem.

Mi IESV, portio mea Corpus tuum, pe-
tio Tua Corpus meum. Mi IESV portio me-
voluntas Tua, portio Tua voluntas mea. O Do-
mine utinam totus transformer in Te. O
sanguinem possim fundere pro Te.

O Corpus IESV à me sumptum, immuta
animam meam & corpus meum, transforma
me, Christifica me, Deifica me.

Genu iflectens Dic s.

LAVDETUR SANCTISSIMUM
SACRAMENTUM.

Affectus ad Christi Domini Vulnera.

O magnum Misterium! ô profunda magna
vulnera! ô dulcedo Divinitatis! ad sis mihi ad
aeternam beatitudinem obtinendam.

Saluto Domine IESV Rosea, ac suavissi-
ma vulnera tua, quæ suscepisti pro me, in quibus
descripisti me. Saluete, Saluete, Saluete
vernantes & salutiferae plagæ Redemptionis
mei, & amatoris mei.

Post mortem apparuit S. Xaverius, ægro-
tanti Mastrillo, in forma Peregrini, Neapoli 30
Ianuarij 1634. eumq; persanans, hunc modum
salutandi S. Crucem docuit in hæc verba.

Aue lignum Crucis, aue Crux pretiosissi-
ma; me totum tibi dedico in
perpetuum.

BIBLIOTHECA

